



Iluarsaassinernut Aqutsisoqarfik
Ineqarnermut Attaveqaasersuutinullu Naalackersuisoqarfik
Aqqusinersuaq 14B
3900 Nuuk
Att.: Naja Kleist

**Maniitsumi Imaprik ikaarlugu umiarsuarnut talittarfiup
iluarsaanneqarnissaanut ASN-imut nalunaarut pillugu aalajangiineq**
Nunalerinermut, Imminut Pilersornermut, Nukissiutinut Avatangiisinullu
Naalackersuisoqarfiup (matuma kingorna 'Naalackersuisoqarfik') 25. januaari
2024-mi Maniitsumi Imaprik ikaarlugu umiarsuarnut talittarfiup
iluarsaanneqarnissaanut suliassami (matuma kingorna 'suliassaq') *atortut ilaasa
avatangiisinut sunniutaannik nalilersuineq aamma avatangiisinik
nakkutilliinermut akiliutit pillugit Namminersorlutik Oqartussat nalunaarutaat
nr. 5, 27. marts 2013-imeersoq* (matuma kingorna 'ASN-imut nalunaarut'
imaluunniit 'nalunaarut') naapertorlugu ASN-imut nalunaarut tiguaa.

Brevdato: 27-02-2024
Sagsnr.: 2024-2445
Akt-id: 23945533

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalackersuisut.gl

Aalajangiineq

Naalackersuisoqarfimmiit Suliassamut ASN-imut nalunaarut nassiunneqarpoq
misissorneqarpoq qimerloorneqarlunilu. Avatangiisit pillugit qimerluuineq
taanna tunngavigalugu Naalackersuisoqarfik naliliivoq, Suliassap avatangiisinut
sunniutissai ASN-imut nalunaarummi § 8 naapertorlugu ASN-ip
akuerineqarnissaanik qinnuteqarnissamut piumasaqaateqarnermik
kinguneqassanngitsoq.

Naalackersuisoqarfiup naliliinera tunngavigalugu Nunalerinermut, Imminut
Pilersornermut, Nukissiutinut Avatangiisinullu Naalackersuisoq aalajangiivoq,
Suliassaq **ASN-iliornissamut pisussaaitaaffeqarfiussanngitsoq.**
Aalajangiinermi ASN-imut nalunaarummi § 5, imm. 5 tunngavigineqarpoq.

ASN-imut nalunaarummi paasissutissat tunngavigalugit Naalackersuisoqarfik
naliliivoq, Suliassami pinngortitaq avatangiisillu, taakkunungalu sumiiffimmi
immami avatangiisit, nipiliorneq pujoralatsitsisarnerlu ilanngullugit,
annertuumik sunniuteqarfigineqassanngillat. Taamatutaaq sumiiffinnut
najugaqarfiusunut sunniutissat isumaqartussaannngillat.

Tamanna tunngavigalugu avatangiisinut maleruagassat tamarmik atuuttut
Suliassani avatangiisinut sunniutissat maleruagassiuunnissaannut naammattutut
naliliiffigineqarput, taamaattumillu sanatitsisoq ASN-imut akuersissummik
qinnuteqassanngilaq.

Suliassap nalunaarummi paasissutissat malillugit suliarineqarnissaa
naatsorsuutigineqarpoq, tamatumani aalajangiinermi matumani allamik

ersarissumik allassimasoqanngippat. Suliassamut nassuiaammi allanngortoqassappat, aammalu Naalackersuisoqarfiup aalajangiinnermini tunngavigisai atorunnaassappata, sanatitsisoq ASN-imut nalunaarummik nutaamik nassiussissaaq.

Matuma kinguliani Naalackersuisoqarfiup Suliassamik naliliinera, tassungalu ilanngullugu inatsisitigut tunngaviusut aamma Suliassap ASN-iliortussaaitaaffiunnginneranut, taamaattumillu ASN-imut nalunaarummi § 8 naapertorlugu akuersissummik qinnuteqaateqartoqarnissaata piumasaqaateqarfiunnginneranut tunngavilersuut saqqummiunneqarput.

Suliassamut nassuiaat

Aallarniutigalugu maluginiarneqarpoq, ASN-imut nalunaarummi, 25. januaari 2024-meersumi paasisutissanik, ASN-imut nalunaarummi § 5, imm. 4-mi aamma ilanngussaq 3-mi allassimasunik tunniussinissamut piumasaqaatit naammassineqarsimanerannik Naalackersuisoqarfik naliliisoq.

ASN-imut nalunaarummi allassimavoq, Suliassami Maniitsumi Imapik ikaarlugu umiarsuarnut talittarfimmi atortut pioreersut tamakkiisumik iluarsaanneqassasut, tamannalu talittarfiup pioreersup annertussusilerneqarsimanagera tunngavigalugu pissasoq.

Talittarfik pioreersoq aserfallassimavoq, aammalu kilisaammit aporneqarnermini ajoqusersimalluni. Talittarfiup aporneqarnerani atortut immiutaasimasut aniasimapput, aammalu talittarfiup saavata pingajorarterutaata ataatsip missaa atorneqarsinnaajunnaarsimavoq. Imapik ikaarlugu talittarfik umiarsuit assartuutit annerusut Maniitsumut tapittarneranni kisimi atorneqarsinnaavoq. Taamaattumik iluarsaassinermi Imapik ikaarlugu umiarsuarnut talittarfik piorsarneqarani atorsinnaanerata aallarteqqinnissaa siunertarineqarpoq.

Tamakkiisumik iluarsaassinermi umiarsualiviup pioreersup saava nutaamik iikkerlugu iluarseqqinneqassaaq. Iigaq nutaaq talittarfiup pioreersup saavaniit 1 meterit missaannik akunnilerlugu sananeqassaaq. Talittarfik pioreersoq 62-it missaannik takissuseqarpoq, avannamut kangimut aamma kujammut kimmut 18 meterit aamma 32 meterit missaannik iigartaqarluni. Talittarfiup iluarsaanneqarnerani iigaq 65 meterit missaannik, tassalu avannamut kangimut aamma kujammut kimmut 21 meterit aamma 33 meterit missaannik takissuseqalissaaq.

Aamma iluarsaassinermi qalliut pioreersoq umiarsualivimmilu atortut piarneqassapput, talittarfiup iigartaata nutaap pioreersullu akunnerat immerneqassaaq, kiisalu nutaamik qalliisoqassaaq umiarsualivimmilu atortulersuisoqassalluni. Iigartaata nutaap imartaa -10 m-inut pilersaarusionerqarpoq, tamannalu umiarsualiviup aallaqqaamulli pilersaarusionerqarnerani imartaata itissusiata annertoqatigaa, taamaattumillu assaanissaq/qaartiterinissaq pisariaqartussaangilaq.

Umiarsualiviup nutaamik ilusilerneqarluni suliarineqarnerani, talittarfik pioreersoq qaammatit arfinillit missaanni ingerlassanngilaq. Talittarfimmi

suliassat ukiup ataatsip ingerlanerani naammassineqartussatut naatsorsuutigineqarpoq, kiisalu ukiup tulliani qallersuinerit suliarineqassallutik. Sanaartugassat pingaartumik aasaanerani ingerlanneqassapput, aammalu piffissami suliffiusumi nalinginnaasumi ingerlanneqassallutik.

Imerkik tarajoqanngitsumik betonilornermut sanaartorfimmullu (pujoralatsitsinaveersaaneq, eqqiaaneq, eqqiluisaaneq il.il.) pisariaqartitsisoqartussaavoq. Eqqakkat imerlu errortuutikoq kommunimi malittarisassat naapertorlugit isumagineqassapput.

Killeqartuinnarmik nipiliorititsisoqartassaaq, nutaamik iikkersuineq ujaqqanillu immiineq nipiliorfiussallutik. Qaarsunik qaartiterisoqartussaanngilaq, taamaattumillu immap qaani iluanilu nipiliorititsisoqartussaanngilaq sajuppilutsisoqartussaanilu.

Maniitsup umiarsualiviani Royal Greenland ukiup qanoq ilinera apeqqutaatillugu piffissap ilaani saarullinnik uumasunik umiarsualivimmi inissiiffimmiititaqartarpoq. ASN-imut nalunaarummi allassimavoq, sanatitsisumiit Royal Greenlandip tunisassiornera eqqarsaatigineqassasoq, tassanilu sanaartornermi nipiliorititsinissat najukkami oqartussaasunut isumaqatigiissutigineqartassasut. Taamaattumik Naalakkersuisoqarfimmiit naatsorsuutigineqarpoq, sanatitsisumiit sanaartukkat nipiliorfiusut pilersaarusiornerinut Royal Greenland akuutinneqassasoq. Ingerlatsinermi iluarsaassinerit avatangiisinut annertuumik sunniuteqartussaanngillat, iluarsaassineri umiarsualivimmik atuisarneq allanngortinneqartussaanngimmat, imaluunniit angallattut amerlingaatsiarnerinik kinguneqartussaanngimmat.

Inatsisitigut tunngaviusut

ASN-imut nalunaarummi § 5, imm. 2-mi aamma imm. 3-mi allassimavoq, sanaartukkamik, nalunaarummut ilanngussaq 1-imi imaluunniit ilanngussaq 2-mi allassimasumik allannguinnissaq alliliinissarlunniit sioqqullugu sanatitsisoq allakkatigut nalunaarummik Avatangiisinut Naalakkersuisumut apuussisussaasoq.

Nalunaarummut ilanngussaq 1-imi sanaartukkani immikkoortut uku suliame matumani eqqarsaatigissallugit Naalakkersuisoqarfimmit pingaartinneqarput:

- Nr. 9: *Imaatigut niuernermi umiarsualiviit kiisalu nunap iluani umiartornermut umiarsualiviit, umiarsuarnit 1.350 tonsit sinnerlugit angissusilinnit tulaffigineqarsinnaasut.*
- Nr. 16: *Ilanngussami matumani allanneqarsimasunik pilersaarutininik allannguinerit allilerinerilluunniit tamarmik, taamatut allannguneq allilerinerluunniit ilanngussami matumani aalajangersarneqarsimasut killiliussanik naammassinnittut.*

Nalunaarummut ilanngussaq 1-imi sanaartukkani immikkoortoq una suliame matumani eqqarsaatigissallugit Naalakkersuisoqarfimmit pingaartinneqarput:

- Nr. 1 c): *Umiarsualiviit aalajangersimasut.*

Nalunaarummi § 5, imm. 4-mi aamma ilanngussaq 3-p aallartinnerani allassimavoq, ASN-imut nalunaarut, § 5, imm. 2 imaluunniit 3 naapertorlugu tunniunneqartoq paasissutissanik, Suliassap ASN-iliortussaataffauneranik naliliinissamut pisariaqartinneqartunik tamanik, tak. § 5, imm. 5, ilaqartinneqassasoq. Tassunga ilassutitut aamma § 5, imm. 5-imi allassimavoq, sanatitsisoq nalunaarummi § 8 naapertorlugu akuersissummik qinnuteqassanersoq Avatangiisinut Naalakkersuisup aalajangertussaagaa.

Tunggaviusumik sanaartugassaq, ASN-imut nalunaarummi ilanngussaq 2-mi allassimasoq taamaallaat ASN-iliortussaataffauserut naliliiffigineqassaaq, avatangiisit eqqarsaatigalugit inissisimaffimmi aalajangersimasumi avatangiisit annertuumik sunniuteqarfigineqassappata, imaluunniit suliassap avatangiisinut sunniutigisinnaasai annertuumik nalornissutigineqarpata. Sanaartugassap avatangiisinut sunniutissaatut naatsorsuutigisanik taamatut naliliisoqartillugu, sanaartugassamut ASN-imut nalunaarummi taaneqartumut avatangiisit takuniarneqarnerat tunggavigineqartussaavoq.

ASN-imut maleruagassat naapertorlugit Suliassami immikkoortunik naliliineq Maniitsumi Imarpik ikaarlugu umiarsuarnut talittarfik umiarsuarnit 1.350 tonsit sinnerlugit angissusilinnit (soorlu umiarsuarnit Irena Arctica-mit aamma Malik Arctica-mit) taliffigineqarsinnaagaluartoq, Naalakkersuisoqarfik isumaqanngilaq, matumani umiarsualivimmik ilivitsumik sananissaq, allannguinnissaq alliliinissarlu pineqanngitsoq, taamaallaalli talittarfimmik iluarsaassinissaq pineqarluni. Taamaattumik Naalakkersuisoqarfik naliliivoq. Suliassaq ilanngussaq 1, nr. 9-mut ilaatinneqassanngitsoq.

Aamma Naalakkersuisoqarfimmit oqaatigineqassaaq, Suliassaq ilanngussaq 1, nr. 16-imut ilaatinneqartussatut naliliiffigineqanngitsoq. Suliassap imminermini umiarsuit 1.350 tonsit sinnerlugit angissusillit umiarsualivimmut talittarnissaannik kinguneqartussaanninnera tamatumunnga tunggavilersuutigineqarpoq. Tassalu Maniitsumi Imarpik ikaarlugu umiarsuarnut talittarfik umiarsuarnit taamatut angitigisunit taliffigineqartareerpoq, taamatullu iluarsaassinermi Imarpik ikaarlugu umiarsuarnut talittarfiup atuunnera umiarsuilluunniit taliffigisartagaasa inissisimaffii allanngortinneqartussaannigillat, taamaallaalli Imarpik ikaarlugu umiarsuarnut talittarfiup maannamut atorneqarnera atoqqilertussaalluni.

Kisiannili suliame matumani Naalakkersuisoqarfik naliliivoq, Suliassaq umiarsualivimmik aalaakkaasumik allannguinerut inissinneqartariaqartoq, Maniitsup umiarsualiviata tamarmiusup allanngortinneqarnera pineqarani. Taamaattumik suliassaq ilanngussaq 2, nr. 1, c) ataani inissisimassaaq. Tamatumunnga atatillugu Naalakkersuisoqarfiup pingaartippaa, Imarpik ikaarlugu umiarsuarnut tapittarfik Maniitsup umiarsualiviata ataatsimut angissusia eqqarsaatigalugu annikitsuinnaammat.

Pinngortitami kingunerisinnaasanik naliliineq

Sanaartorneq *pinngortitamik illersuineq pillugu Inatsisartut inatsisaannut nr. 29-mut, 18. december 2003-meersumut* (pinngortitamik illersuineq pillugu inatsit) ilaatinneqarpoq. Pinngortitamik illersuineq pillugu inatsimmi § 41-mi allassimavoq, sanatitsisoq illuliassanik sanaartukkanilluunniit annerusunik, nunap, kangerluit imartallu ilusiinik allannguineramik kinguneqartussanik, imaluunniit pinngortitamut, tassungalugu ilanngullugu uumasunut nujuartanut naasunillu pinngortitamiittunut annertuumik sunniuteqartussanik aallartitsinnginnermini pinngortitamut kingunerisassanik naliliisussaasoq. Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik naliliivoq, ASN-imut nalunaarut nassiunneqartoq suliassap pinngortitamut nunamullu annertuumik sunniuteqartussaannginneranik naliliinissamat paasissutissanik naammattunik imaqartoq. Taamaattumik pinngortitamut kingunerisassanik naliliinermik immikkoortumik nassiussinissaq pisariaqartussaangilaq.

Akuersissutit akuerinnerillu allat

Sukkulluunniit akuersissutinik aamma immikkut ittumik akuersissutinik pisariaqartinneqartunik pissarsiniarnissaq sanatitsisup akisussaaffigaa, tassanilu aamma akuersissutit immikkullu ittumik akuersissutit pisariaqartinneqarsinnaasut, aalajangiinermi matumani allassimangitsut ilaatinneqarput.

Ujaqqanik tikiussuisarnermut, kiisalu ujaqqanik igitassanik passussinermut tunngatillugu *aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-meersoq*, aamma tamatumunnga akuersissutinik pissarsiniartarnermut tunngatillugu Aatsitassanut Aqutsisoqarfik innersuussutigineqarpoq.

Maalaaruteqarnissamat ilitsersuut

Aalajangiineq manna *avatangiisinik illersuineq pillugu Inatsisartut inatsisaanni nr. 9-mi, 22. november 2011-meersumi* (matuma kingorna 'Avatangiisinik illersuinermit inatsit') § 60 naapertorlugu Avatangiisinik Illersuineq pillugu Maalaaruteqartarfimmut, Naalakkersuisunit pilersinneqarsimasunut maalaarutigineqarsinnaavoq.

Piffissaq maalaaruteqarfissaq sapaatit akunnerinik arfinilinnik sivissussuseqarpoq, aalajangiinerup Avatangiisinik illersuinermit inatsimmi § 60 naapertorlugu ullormit nalunaarutigineqarfianiit naatsorsorlugu.

Maalaarutaasinnaasut uunga nassiunneqassapput:

Namminersorlutik Oqartussat
Nunalerinnermut, Imminut Pilersornermut, Nukissiutinut Avatangiisinullu
Naalakkersuisoqarfik
Postboks 1614
3900 Nuuk

Tamatuma kingorna Naalackersuisoqarfiup maalaarut Avatangiisinik Illersuineq pillugu Maalaaruteqartarfimmut nassitissavaa, najoqqutassanik suliassap naliliiffigineqarneranut atorneqartussanik ilaqartillugu. Tamatuma peqatigisaanik suliassami akuusut suliami maalaarummik takkuttoqarsimanera pillugu ilisimatinneqassapput.

Inussiarnersumik inuulluaqqusillunga

A handwritten signature in black ink, appearing to read 'Natuk Lund Olsen'.

Natuk Lund Olsen
Naalackersuisoqarfimmi pisortaaneq
Nunalerinermut, Imminut Pilersornermut, Nukissiutinut Avatangiisinullu
Naalackersuisoqarfik